



PAMFLET


1124





T 465

POINTS
ET ARTICLES
ACCORDEZ PAR SON
EXCELLENCE, AVX OF-
ficiers & Soldats du Fort de
St. Andrieu.



A D E L F,
Par Bruyn Schinckel. 1600.

1124

36

*Points & Articles accordez par son Ex^{ce}. aux Officiers
& Soldats du fort de St. Andrien.*

I.

Remicrement a accordé la somme de Cent vingt & cinq mille florins, a vingt patars la piece, laquelle somme sera destribuee a l'advenant de leurs gaiges & arrieraiges d'un chascun, ou sur tel autre piedt. qu'ils accorderont par ensemble.

II.

Les Malades & blesez seront envoyez en quelques Villes du Pays, tant qu'ils seront guarris, & recevront leur part hors la precedente somme.

III.

Aux vefves sera donné quelque gratuité selon l'advys des Officiers, hors de ladite somme.

IIII.

Que tous Soldats ayans servy au parti de son Excel^{ce}. auront leur pardon, & payez de ce qu'il leur vient, moyennant que la paye sera prinse hors la precedente somme.

V.

Que tous Soldats, qui se voudront retirer, seront payez & satisfai^{ct} hors de ladite somme, & leur sera donné conge & passeport de son Excel^{ce}. Bien entendu que ceulx qui se voudront retirer vers le Roy ou Archi-ducq, ne recepvront aucun payement.

VI.

Que lesdits Officiers & Soldats seront trai^{ctez} comme les meilleurs du Pays, & favorisez de son Excel^{ce}. en tout ce que lui sera possible.

VII.

Que tous ceulx qui sont venus de Crevecœur seront payez & satisfai^{ct} comme les autres hors de ladite somme.

VIII.

Que tous Soldats qui auront esté en service de son Excel^{ce}. ayans servi tous quelque compaignie, & voudront avoir leurs passeports, ne leur sera refusé, moyennant qu'ils ne le demandent hors de propos.

IX.

Qu'on

Qu'on ne leur fera aucune reproche, de ce qui est passé.

X.

Les Soldats pourront choisir, avec l'adveu de son Excel^{ce}. huit Capitaines de Wallons du Regiments Dachicourt & de Marcgrave, & trois d'Allemands.

XI.

Que tous Commissaires, tant de Guerre, que de Vivres, Provosts, Brasseurs, Vivandiers, Boulengiers, menuisiers, & tous autres estants audit fort, qui se voudront retirer, auront saul^{te}conduict de son Excel^{ce}. & si besoing est, seront convoyé avecq tambourins & trompette.

XII.

Que le Prestre se pourra retirer avecq tous les Ornemens d'Eglise, & hardes & bagages, avec saul^{te}conduict & convoy comme les susdits.

XIII.

Que les Sergeants & Corporaulx reformez, qui ont tiré quelque advantage au service du Roy, tireront le mesme traictement au service de son Excellence.

XIIII.

Que demain son Excel^{ce}. y enverra Commissaires, pour former les Compaignies, desquelles les Capitaines seront choisis par les Soldats, comme dict est, avec l'adveu de son Excel^{ce}. lesquels avec le Soldats feront serment de fidelité, & de garder le Fort, pour le service de son Excel^{ce}. obeissans auxdits Officiers, jusques a ce qu'ils auront receu le Payement desdits Cent vingt & cinq mille florins, & se fera ledit payement, a chascune desdits Compaignies, ainsi qu'ils sortiront l'une devant & l'autre apres hors du Fort. Bien entendu que pour chascune Compaignie qui sortira, son Excel^{ce}. y mettra quand & quand une autre en la place.

XV.

Que les Commissaires assisteront aux susdits Capitaines & Officiers a la liquidation, de ce qu'il viendra a chascun desdits Soldats, hors lesdits Cent vingt & cinq mille florins.

XVI.

Que demain y enverra aussi des Commissaires pour inventarier l'Artillerie, munitions de guerre & de Vivres, afin que rien soit diminué par les Officiers du Roy.

Estants

Estants sortis hors du fort, feront serment, comme tous autres Soldats, qui sont au service de Messieurs les Estats, & apres avoir passé monstre leur sera donné vn mois de gage sur la main.

Fait au Camp a Alem le viij. de May 1600.

Copie du Serment.

Les Mal
tant qu'ils
somme.

NOus iurons, qu'entretant que nous serons dans le Fort de St. André, que nous le garderons pour le service de Messieurs les Estats des Provinces vnies du Paysbas, & de son Excelce. jusques a ce que nous aurös receu l'argent, ce que son Excelce. nous a promis, & obeirons a nos Capitaines & Officiers, qui nous seront mis & ordonnez, en renonceans au serment, que nous pourrions avoir fait au Roy d'Espagne ou aux Archiducqs.

Aux vef
hors de lad

Que tou
pardon, &
prinse hors

Que tou
hors de lad
Excelce. Bi
ou Archi-d

Que les di
lu Pays, & fa

Que tous
is fait com

Que tous
ervi tous q
le leur sera r



ol.
a-

Sr.
les
af-
o-
&
ict